



Arkiv: FE-033
JournalpostID: 19/2395
Saksbehandlar: Kristian Nave
Dato: 11.11.2019

Saksframlegg

Saksnr.	Utval	Møtedato
19/007	Utval for areal og eigedom	26.11.2019

Høyring - lokal forskrift om spreing av husdyrgjødsel

Bakgrunn for saka:

Både i Eid kommune og Selje kommune er det innført lokal forskrift om frist for spreing av husdyrgjødsel. Forskriftene er av nyare dato i begge kommunane. Det er ynskje om å vidareføre slik forskrift i Stad kommune.

Forskrift om gjødselvarer mv. av organisk opphav har reglar om spreing av husdyrgjødsel og § 23 gjev reglar om spreietidspunkt for husdyrgjødsel utan nedmolding.

Føresegna seier mellom anna følgjande: «*Spredning av gjødselvarer av organisk opphav er kun tillatt i perioden 15. februar til 1. november. Det er ikke tillatt å spre gjødselvarer på snødekket eller frossen mark.*

Spredning utan nedmolding/nedfelling på eng og annen grøde bør gjøres så tidlig i vekstsesongen at det er mulighet for betydelig gjenvækst som høstes eller beites, og skal gjøres senest innen 1. september, dersom ikke noe annet er bestemt av kommunen iht. tredje ledd.»

Etter forskrifta er frist for spreing utan nedmolding sett til 1. september kvart år. Etter § 23 tredje ledd har kommunen fått heimel til å forlenge fristen til 1. oktober gjennom fatsetjing av lokal forskrift. I begge kommunane er 20. september siste frist for spreing utan nedmolding.

Kommunedirektøren sitt framlegg til vedtak:

Med heimel i forvaltningslova § 37 vert følgjande framlegg til forskrift om gjødselvarer mv. av organisk opphav for Stad kommune sendt på høyring og lagt ut til offentleg ettersyn:

«§ 1 Frist for spreing.

I medhald av forskrift om gjødselvarer mv. av organisk opphav § 23 tredje ledd, vert siste frist for spreing av husdyrgjødsel på grasmark i Stad kommune sett til 20. september.»

§ 2 Ikraftsetjing.

Forskrifta trer i kraft med kunngjeringa i Norsk Lovtidend.

Vedlegg i saka:

19.11.2019	Lokal forskrift - Eid	1329791
19.11.2019	Lokal forskrift - Selje	1329792

Utval for areal og eigedom 26.11.2019:**Handsaming:****UAE- 19/007 Vedtak:**

Med heimel i forvaltningslova § 37 vert følgjande framlegg til forskrift om gjødselvarer mv. av organisk opphav for Stad kommune sendt på høyring og lagt ut til offentleg ettersyn:

«§ 1 Frist for spreining.

I medhald av forskrift om gjødselvarer mv. av organisk opphav § 23 tredje ledd, vert siste frist for spreining av husdyrgjødsel på grasmark i Stad kommune sett til 20. september.»

§ 2 Ikraftsetjing.

Forskrifta trer i kraft med kunngjeringa i Norsk Lovtidend.

Saksopplysningar:**Aktuelle lover, forskrifter:**

Forskrift om gjødselvarer mv. av organisk opphav, § 23 fjerde ledd.
Forvaltningslova.

Vurderingar:

I den grad bøndene ikkje har gjennomført spreining av husdyrgjødsel innan 1. september, kan det søkjast om dispensasjon frå gjødsselforskrifta. Det kan då gjevast løyve til spreining utan nedmolding fram til seinast 1. oktober. Føresetnaden for å gje løyve er at dei klimatiske forholda tilseier det. Utsett frist vert gjeve på bakgrunn av innsendt søknad og sakshandsaming. Det er ofte slik at vertilhøve for spreining kan vere vel så bra i starten av september som i slutten av august. I Stad kommune vil det som regel vere mogeleg å hauste eller beite avling etter spreining før 20. september. Det vert meir fleksibelt for bøndene å forlenge fristen for spreining utan nedmolding til 20. september gjennom å vedta ei lokal forskrift. Spreining kan då gjerast fram til dette tidspunkt, så lenge dei klimatiske forholda og vasskvaliteten i kommunen sine vassdrag tillèt det. EU sitt vassdirektiv set krav til vasskvalitet i alle vassforekomstar og for sein spreining der plantane ikkje er i vekst og kan ta opp næringsstoffa vil lett føre til skadeleg avrenning og brot på desse reglane. Tilskrekkeleg tilvekst og høve til hausting/beiting etter spreining er eit krav etter gjødselvarerforskrifta og EU-direktivet.

På den andre sida er spreiefristen 1. september vanskeleg og av og til uheldig viss det er kraftig nedbørperiode mot slutten av august. Utsett hausting på grunn av våte vertilhøve gjer nokre år at andreslåtten ikkje er avslutta før spreiefristen for gjødsling går ut. Eid, Gloppen og Selje har samordna frist i sine forskrifter. Det vil vere naturleg at Stad kommune

vidarefører liklydande forskrift.

Ved innføring av forskrift skal ein etter reglane i forvaltningslova § 37 sjå til at «saken er så godt opplyst som mulig før vedtak treffes».

Før vedtak av forskrift er det vidare eit krav om varslings:

«Offentlige og private institusjoner og organisasjoner for de erverv, fag eller interessegrupper som forskriftene skal gjelde eller gjelder for eller hvis interesser særlig berøres, skal gis anledning til å uttale sig før forskriften blir utferdiget, endret eller opphevet. Så langt det trengs for å få saken allsidig opplyst, skal uttalelse også søkes innhentet fra andre».

Kravet i føresegna inneber at saka om ny forskrift vert sendt til aktuelle lag og organisasjonar, slik som bondelaget, småbrukarlaget og Sau og Geit til høyring før endeleg vedtak vert gjort i saka.

Når fristen for uttale er ute, vil saka bli lagt fram for endeleg politisk handsaming.

Økonomiske konsekvensar:

Saka har ingen økonomiske konsekvensar for Stad kommune.